

Հ. Ս. ՄԵԼԻՔՅԱՆ

ԲՈԼՇԵՎԻԿՆԵՐԻ ԳՈՐԾՈՒՆԵՈՒԹՅՈՒՆԸ ԿՈՎԿԱՍՅԱՆ ԲԱՆԱԿԻ ԱՌԱՋԻՆ
ՀԱՄԱԳՈՒՄԱՐՈՒՄ (1917 ապրիլ-մայիս)

Անդրկովկասում Հոկտեմբերյան սոցիալիստական մեծ հեղափոխության նախապատրաստման ժամանակաշրջանի կարևոր իրադարձություններից է բանակային առաջին համագումարը:

Մինչև այժմ այդ համագումարը և նրանում բոլշևիկների ծավալած գործունեությունը ուսումնասիրման առանձին առարկա չի հանդիսացել¹: Այնինչ համագումարը լիովին արժանի է ամբողջական ուսումնասիրման, եթե մասնավորապես նկատի առնենք այն հանգամանքը, որ միապետության տապալումից հետո երկրամասում ստեղծված բարդ իրադրության, քաղաքական կուսակցությունների փոխհարաբերության, նրանց տեսակետների մեջ այն պարզություն մտցնող առաջին կարևոր իրադարձությունն էր:

Կովկասյան բանակի առաջին համագումարի աշխատանքները տեղի էին ունենում Թիֆլիսում՝ 1917 թ. ապրիլի 23-ից մինչև մայիսի 24-ը ներառյալ²: Դա համընկնում է պատմական այն ժամանակաշրջանին, երբ ցարիզմի տապալումից հետո, երկիրը հասնում է պայմաններում, դեռ շարունակում էր փթթել բուրժուա-դեմոկրատական հեղափոխության «մեղրամիսը», երբ հեղափոխություն կատարած բանվորների ու զինվորների հետ մեկտեղ կարմիր ժապավեններով էր շարունակում զարդարված մնալ նաև բուրժուազիան: Վ. Բ. Լենինի բնութագրմամբ, դա հեղափոխություն կատարած մասսաների «բարեխղճորեն մոլորվածություն», «հեղափոխական պաշտպանողականության» ժամանակաշրջանն էր, երբ բանվորական ու զինվորական սովետներում մեծամասնություն գրաված մանրբուրժուական կուսակցությունները շարունակում էին «ազդուտել» մասսաների գիտակցությունը, կամա թե ակամա նրանց ծառայեցնելով իմպերիալիստական բուրժուազիայի արյունոտ նպատակներին:

Բուրժուազիայի նկատմամբ տաժած վստահության համընդհանուր մթնոլորտում փոքրաթիվ, իրենց կազմակերպությունները դեռևս չամրապնդած բոլշևիկների ճշմարտացի խոսքը սթափեցնում էր «Ֆրազի հեղափոխականներին» գերի դարձած բանվորների, զինվորների, գյուղացիների հոծ զանգվածներին, «պայծառացնում էր» նրանց գիտակցությունը, օգնում էր նրանց ճիշտ ուղիներ գտնելու իմպերիալիստական պատերազմին վերջ տալու, ագրարային, ազգային և ժա-

1 Համագումարի որոշ փաստաթղթեր հրատարակվել են Ս. Ե. Սեֆի կազմած «Революция 1917 года в Закавказье» փաստաթղթերի ժողովածուում (Թբիլիսի, 1927): Նրա աշխատանքները մասնակիրորեն, խիստ համառոտակի քննարկել են՝ Գ. Բ. Ղարիբջանյանը «Հայաստանի կոմունիստական կազմակերպությունները սովետական իշխանության հաղթանակի համար մղված պայքարում» (Երևան, 1955, էջ 95), Գ. Վ. Խաչատուրիձեն «Борьба грузинского народа за установление Советской власти» (Թբիլիսի, 1956, էջ 57—58), Մ. Վ. Ցերցվաձեն «Революционное движение в Грузии в 1914—1917 годах» (Թբիլիսի, 1960) աշխատությունների մեջ:

Խ. Ի. Մուրատովի «Революционное движение в русской армии 1917 г.» (Մոսկվա, 1958) աշխատության մեջ, ուր ընդհանրապես վերին աստիճանի կցկտուր, պատահական փաստերով են ներկայացված հեղափոխական շարժումները Կովկասյան բանակում, այդ համագումարի մասին ոչ մի խոսք չկա: Նրա մասին լռում կամ հարեանցիորեն են հիշատակում կովկասյան հեղափոխական շարժումներն ուսումնասիրած մյուս պատմաբանները:

2 Տե՛ս Վրացական ՍՍԽ ԿՊՊԱ, ֆ. 21, ց. 2, գ. 10, թ. 95: «Борьба за победу Советской власти в Грузии» (Тбилиси, 1958) փաստաթղթերի ժողովածուում (էջ 725) սխալմամբ համագումարի վերջին օրը նշված է մայիսի 22-ը: Ոմանք նշում են մայիսի 25-ը: Ներկա հոդվածում ամսաթվերը նշված են ին տոմարով:

մանակի ալլ արմատական հարցերը լուծելու համար: Այդ ամենը նկատի ունենալով էլ, որ Անդրկովկասի բոլշևիկները մեծ նշանակություն էին տալիս համագումարին: «Կովկասյան ռաբոլի» լրագիրը «Կովկասյան բանակի երկրային համագումարի առթիվ» իր առաջնորդողում գրում էր, որ «դա քաղաքական և հասարակական մեծ նշանակություն ունեցող փաստ է», որ Համառուսաստանյան սովետների պետրոգրադյան խորհրդակցությունից և արևմտյան ռազմաճակատի՝ Մինսկում տեղի ունեցած բանակային համագումարից հետո հրավիրված Կովկասյան բանակի առաջին համագումարի «նշանակությունը մեծ է ոչ միայն մեր երկրամասի, այլև ամբողջ Ռուսաստանի համար»³: Բոլշևիկները ողջունում էին համագումարը, որպես դեռևս սակավամակերպ հեղափոխական բանակի կազմակերպման «առավել խոշոր քայլերից մեկը»: Նրանք պարզ տեսնում ու գիտակցում էին, որ «սկզբում հեղափոխության շարժիչ ուժերը պայքարի մեջ են մտնում կամ քիչ կազմակերպված, կամ բոլորովին անկազմակերպ: Հեղափոխության պրոցեսում նրանք պետք է կազմակերպվեն, այլապես հեղափոխության արդյունքները իսկական մարտիկների ձեռքից կանցնեն տիրապետող դասակարգերի՝ կապիտալիստների և հողատերերի ձեռքը»⁴:

Այսպիսով, բոլշևիկները բանակային համագումարը դիտում էին՝ դեռևս անկազմակերպ հեղափոխական զինվորական մասսաների կազմակերպման, նրանց մանրբուրժուական կուսակցություններից հեռացնելու և բոլշևիկների շուրջը համախմբելու միջոց: Հեղափոխության խաղաղ զարգացման ժամանակաշրջանում այդպիսի տակտիկան լիովին բխում էր լենինյան Ապրիլյան թեզիսներից և համապատասխանում էր կուսակցության 7-րդ (Ապրիլյան) կոնֆերանսի մշակած գծին:

Համագումարը ներկայացնում էր ռուս-թուրքական ռազմաճակատի և թիկունքի ավելի քան 600 հազարանոց բանակի զորամասերին և հեղափոխական-դեմոկրատական կազմակերպություններին: Նախապես ենթադրվում էր, որ համագումար կզան 800 պատգամավորներ⁵, սակայն համագումարի նկատմամբ բանակային սովետների, կոմիտեների և ընդհանրապես ողջ բանակի ակտիվ հետաքրքրության պայմաններում մասնակցողների թիվը զգալիորեն աճեց⁶:

Նախապատրաստելով համագումարի հրավիրումը Թիֆլիսի զինվորական պատգամավորների սովետը նախագծում էր նրա աշխատանքները սկսել ապրիլի 15-ին, սակայն, ինչպես պարզվեց հետագայում, մի քանի շաբաթ էր պահանջվում, որպեսզի պատգամավորները գրեթե ճանապարհազուրկ ռազմաճակատից հասնեին Թիֆլիս: Հատկապես ռազմաճակատի այնպիսի հեռավոր շրջանների համար, ինչպիսիք էին Երզնկան ու Մուշը, Բիթլիսն ու Շատախը, Ուրմիո լճի հարավային, արևելյան շրջանները, Համադանն ու Կազվինը: Այդ ամենը նկատի ունենալով էր, որ Թիֆլիսի զինվորական պատգամավորների սովետի նախագահ, էսեռ Վերեջակը Կովկասյան բանակի հրամանատարության միջոցով, ապրիլի սկզբներին, բանակին տեղեկացնում էր. «Նկատի ունենալով ռազմաճակատի մի շարք զորամասերից ստացված դիմումները, որ իրենց պատգամավորները չեն կարող համագումար գալ նշանակված ժամկետին, Կովկասյան բանակի համաբանակային համագումարի հրավիրումը ապրիլի 15-ից փոխադրվում է ապրիլի 23-ին»⁷:

Համագումարի նախապատրաստման ժամանակաշրջանում համաձայնողական կուսակցությունները ամեն կերպ աշխատում էին փակել բոլշևիկների ճանապարհը դեպի համագումար: Դա ցարիզմի տապալումից անմիջապես հետո հեղափոխությունից բոլշևիզմի մեկուսացման նրանց քաղաքականության օղակներից մեկն էր: Անդրկովկասում այդպիսի քաղաքականության առավել բնորոշ փաստը, համագումարին նախորդող շրջանում, հանդիսացավ բոլշևիկյան «Պրավդա» լրագրի և հեղափոխական-դեմոկրատական այլ օրգանների ու գրականության տարածման արգելումը Կովկասյան ռազմաճակատի զինվորների շրջանում: Թիֆլիսի համաձայնողական սովետների ապրիլի 19-ին ձեռնարկած այդ քայլը սովետներում փոքրամասնություն կազմող բոլշևիկները որակեցին, իրեն հեղափոխությանը դավաճանելու «հրեշավոր քայլ» և բանվորական ու զինվորական մասսաների աջակցությամբ անարգանքի սյունին դամեցին «հեղափոխական ֆրազի» առավել վտանգավոր գործիչներին՝ կովկասյան մենշևիզմի խորամանկ և փորձված

³ «Կովկասյան ռաբոլի», № 32, 22 ապրիլի, 1917:

⁴ Նույն տեղում

⁵ Տե՛ս Ս. Ս. Մ. և Ֆ. Նշված ժողովածուն, էջ 89:

⁶ Տե՛ս «Борьба за победу Советской власти в Грузии. документы и материалы (1917—1921 гг.)», Թբիլիսի, 1958, էջ 725: Այդ ժողովածուում նշված «1300» թիվը մեր կարծիքով ոչ թե պատգամավորների, այլ ընդհանրապես մասնակիցների թիվն է:

⁷ Վրացական ՍՍՌ ԿՊՊԱ, ֆ. 1228, ց. 1, գ. 4170, թ. 37:

պարագլուխ նոյ Ժորգանիայի գլխավորութեամբ: Թեպետ բոլշեկներին հաջողվեց վերացնել «Պրավդայի» վրա դրված «սոցիալիստական» կալանքը և նրա 40 հազար օրինական ուղարկել ռազմաճակատ, բայց արդեն պարզ էր, որ համաձայնողական կուսակցութիւնները ամեն ինչ անում են և դեռ կանեն բոլշեկիմբ մեկուսացնելու համար: Դրանով էլ պետք է բացատրել այն, որ բոլշեկները համագումարում կազմեցին մի փոքրաթիվ խումբ: Արխիվային նյութերի, մամուլի, գրականության մանրազնին ուսումնասիրութեամբ մեզ հաջողվել է գեղեւ ոչ լիովին, բայց հիմնականում պարզել համագումարի բոլշեկ պատգամավորների կազմը, որի թիվը տատանվում էր 20-ի շուրջը:

Իստեղով մեր ձեռքի տակ եղած նյութերից, համագումարում առավել եռանդուն գործու-
նեություն են ծավալում Գ. Ն. Կորգանովը, Ի. Վ. Մալիզինը, Ս. Ի. Քավթառանեն, Ն. Մ. Կուզ-
նեցովը⁸, Մ. Ս. Կեդրովը⁹, Մ. Ցխակայան, Ֆ. Ե. Մախարանեն, Ս. Ա. Բոգդանովը¹⁰ և ուրիշ-
ները։ Տրապիզոնի հեղափոխական կայազորն էր ներկայացնում ականավոր բոլշևիկ Հայկ Հով-
սեփյանը։ Կարսի կայազորից համագումարին մասնակցողների թվում էր բոլշևիկ Ա. Մետելը։
Թիֆլիսի կայազորն էին ներկայացնում նաև Վ. Պ. Մուշեղյանը, Ա. Գ. Կալյայանը։ Ախալքալակի-
զինվորների պատգամավորների սովետի և կայազորի կողմից համագումարի պատգամավոր էր
ընտրվել Ս. Ռ. Գալոյանը։ Նա ինքը վկայում է. «համագումարի աշխատանքներին ես մաս-
նակցում էի բոլշևիկների ֆրակցիայի շարքում»¹¹։

Շերիֆխանեի սովետի և այդ շրջանի հեղափոխական զորամասերի կողմից Մ. Ս. Կեդրովից բացի համագումարին մասնակցում էին նաև բուլղերկեսեր Տառատովը, Տետերեկովը¹²:

8 Կուզնեցով Ն. Մ. (1885—1937), պրոֆեսիոնալ հեղափոխական, 1905 թ. աշխատել է ՌՍԴԲԳ Մոսկվայի օկրուգային կազմակերպությունում: 1912 թ. հեղափոխական աշխատանք է տարել Գյանջայի երկաթուղային բանվորների շրջանում: Փետրվարյան հեղափոխությունից հետո նա եռանդուն աշխատանք է ծավալել Թիֆլիսի զինվորների և բանվորների շրջանում, ընտրվել է Թիֆլիսի բանվորների պատգամավորների սովետի քարտուղար և այնտեղ կազմակերպել բուլշևիկյան ֆրակցիա: Եռանդուն պայքար է ծավալել սովետի մենշևիկյան պարագլուխների դեմ: 1917 թ. հոկտեմբերին ընտրվել է ՌՍԴ(բ)Պ Կովկասյան երկրային կոմիտեի կազմում: Դեկտեմբերին նշանակվել է Կովկասի գործերի արտակարգ կոմիսար Ստ. Շահումյանի քարտուղարը, ընտրվել է բանակային երկրորդ համագումարից հետո ստեղծված ռազմահեղափոխական կոմիտեի կազմում, 1918 թ. ապրիլից Բաքվի Ժողկոմսովետի քարտուղարն էր: Զոհվել է անհատի պաշտամունքի շրջանում:

9 Կեղրով Մ. Ս. (1878—1941), բուլղարական կուսակցության ականավոր գործիչ։ Հեղափոխական շարժման մեջ է մտել 1899 թվականից։ Կուսակցության անդամ է 1901 թվականից։ Հեղափոխական ակտիվ աշխատանք է տարել Ն. Նովգորոդի, Յարոսլավլի, Սիմֆերոպոլի, Կոստրոմայի, Պետրոգրադի ս. գ. կազմակերպություններում։ Բազմիցս ձերբակալվել է, եղել է աքսորում, էմիգրացիայում։ Առաջին համաշխարհային պատերազմի տարիներին նա կովկասյան ռազմաճակատում էր, իրրև բժիշկ-էպիդեմիոլոգ։ Նուանդուն հեղափոխական աշխատանք է տարել ռազմաճակատի զինվորների շրջանում։ Փետրվարյան հեղափոխության օրերին նրա նախաձեռնությամբ և ղեկավարությամբ ստեղծվել է Շերիֆխանեի (Իրան) բանվորների և զինվորների պատգամավորների սովետը, որի նախագահն է ընտրվել ինքը։ Մ. Ս. Կեղրովի գործունեության և մասսաների վրա նրա և մյուս բուլղարիկների ունեցած մեծ ներդրմանը շնորհիվ սովետական հեղափոխության առաջին ամիսներին բուլղարական քաղաքականություն էր վարում։

1917 թ. մայիսի կեսերին նա կուսակցության Կենտկոմի կողմից կանչվում է Պետրոգրադ և աշխատանքի նշանակվում կուսակցության Կենտկոմին կից զինվորական կազմակերպությունում (БОВЕНКА), որտեղ և շուտով դառնում է առավել աշխի ընկնող գործիչներից մեկը, գլխավորորեն ընդհանուր «Սոլդատսկայա պրավդա», «Ռաբոչի ի սոլդատ», «Սոլդատ» թերթերը:

Հետագայում նա կուսակցական և սովետական ակտիվ աշխատանք է տանում: Զուգեմ է անհատի պաշտամունքի շրջանում, 1941 թ.:

10 Բողոքանով Ս. Ա., Փետրվարյան հեղափոխությունից հետո Թիֆլիսի բոլշևիկյան կազմակերպության ակտիվ անդամ: Նոանդուն աշխատանք է տարել սովետների բոլշևիկյան ֆրակցիաներում, և ընդհանրապես Թիֆլիսի ու Կովկասի զինվորների ու բանվորների շրջանում: Գնդակահարվել է Բաբվի 26 կոմիտարների թվում:

¹¹ «Հին բուլղարների հիշողություններ», գիրք առաջին, Երևան, 1958, էջ 249.

¹² *Sb'u* «От Февраля к Октябрю», *Упичш*, 1957, т. 171.

նրանց միջոցով ողջ Կովկասյան բանակին ներկայացնել բոլշևիկյան կուսակցության ծրագիրն ու տակտիկական սկզբունքները: Այսպիսով, զինվորական մասսաների աշխում համաձայնողական լուրի մեկացմանը զուգընթաց բոլշևիզմի նետազական և խելացի պրոպագանդա, այս էր լինելու բոլշևիկյան օպոզիցիայի գործունեության բովանդակությունը բանակային առաջին համագումարում:

Դժվարին իրադրության մեջ բոլշևիկները պատվով իրագործեցին իրենց առաջ դրված այդ խնդիրը: «Կավկասյան ռաբոչի» թերթը հետագայում, Կովկասյան բանակի երկրորդ համագումարի նախօրյակին, 1917 թ. դեկտեմբերին, բնութագրելով բոլշևիկների գործունեությունը բանակային առաջին համագումարում, գրում էր. «Այն ժամանակ փոքրիկ խումբը խիզախորեն մարտնչում էր պաշտպանողականների (էսեռների և մենշևիկների) բուրժուա-համաձայնողական քաղաքականության դեմ, նրանց դեմ, ովքեր հեշտությամբ հրապուրեցին զինվորներին, որոնք դեռ չէին հասցրել պարզելու իրենց քաղաքական, իրենց գյուղացիական-բանվորական, իրենց դասակարգային գիտակցությունը, որոնք դեռ հրապուրվում էին պաշտպանողականների թակարդով»¹⁶:

Այժմ քննարկենք այն հարցը, թե որո՞նք էին համագումարի մտահոգության առարկա հանդիսացող հիմնական հարցերը և ինչպի՞սին էր բոլշևիկների վարքագիծը այդ հարցերից մի քանիսի քննարկման ժամանակ:

Համագումարի ընթացքում, պլենար կամ սեկցիոն նիստերում քննարկվեցին. 1) ընթացիկ մոմենտի և տակտիկայի, 2) պատերազմի և խաղաղության, 3) ժամանակավոր կառավարության նկատմամբ ունենալիք վերաբերմունքի, 4) ագրարային, 5) բանվորական, 6) ազգային, 7) «ազատության փոխառության» նկատմամբ վերաբերմունքի, 8) զինվորական և բանվորական սովետների փոխհարաբերության, 9) զինվորական կարգապահության, 10) բանակի պարենային մատակարարման, 11) տրանսպորտի, 12) բժշկա-սանիտարական գրության, 13) բանակային «պրոֆեսիոնալ կազմակերպությունների» և մի շարք այլ հարցեր: Այլ կերպ ասած բոլոր այն խնդիրները, որոնց լուծումը կամ պարզաբանումը ծայր աստիճան հուզում էր թիկունքի և բանակի հեղափոխական մասսաներին:

Համագումարի բացման ժամանակ արտասանած իր ճառում Թիֆլիսի զինվորական պատգամավորների սովետի նախագահ էսեռ Վերեշչակը նշում էր. «Խոսելով պատերազմի մասին և խոսելով ժամանակավոր կառավարության նկատմամբ վերաբերմունքի մասին, պետք է իմանալ, որ դա այն խնդիրն է, որը կլինի մեր համագումարի անկյունաքարը»¹⁷: Առանց հապաղելու, արտահայտելով համագումարի համաձայնողական բլոկի կամքը, այդ հարցերի պրակտիկ լուծման տեսանկյունից, նա բացեցի բաց հայտարարում էր. «մեր առաջ կանգնած է երկու զխավոր հարց, որոնք պետք է ընկնեն մեր աշխատանքի հիմքում. դա աշխատանքն է ռազմաճակատի համար, բանակի կազմակերպումը՝ արտաքին թշնամուն հաղթելու համար, և թիկունքի (կազմակերպումը—Շ. Մ.), որպեսզի թույլ չտրվի գլուխ բարձրացնելու ներքին թշնամուն»¹⁸: Ավելորդ չէ նկատել, որ «ներքին թշնամի» հասկացությունը ցարիզմի տապալումից մոտ երկու ամիս հետո էսեռա-մենշևիկյան գործիչները օգտագործում էին՝ առերես հիշելով միապետական ուժերին, բայց իրականում նրանք հասկացնել էին տալիս, զլխով էին անում դեպի բոլշևիզմը, որը հատկապես լենինյան Ապրիլյան թեզիսներից և ժամանակավոր կառավարության ապրիլյան չգնահատված հետո այնպես անողորմաբար սկսել էր քննադատել ժամանակավոր կառավարության ներքին և արտաքին քաղաքականությունը:

Նույն օգով էր համագումարին դիմում նրա գործնական նախագահը՝ բոլշևիզմի երդվյալ Պշնամիներից մեկը՝ Ե. Գեգեչկորին, որի ճառը՝ ամբոխավորության, փարիսեցիության այդ ավարտուն նմուշը, պերճորեն զարդարված էր «հեղափոխական ֆրազով», ժամանակի մանրբուրժուական սոցիալիզմի ողջ բարեմասնություններով: Պատմական զարգացման այս էտապի համար բնավ էլ զարմանալի չէ այն, որ պատգամավորների ճնշող մեծամասնությունը, հատկապես համագումարի սկզբում, օվացիա էր սարքում «ֆրազի հեղափոխականներին», հեշտությամբ գերի էր դառնում նրանց: Հեղափոխական գյուղացիական բանակը մեծ հույս էր կապում ցարիզմի տապալմամբ չրի երես դուրս եկած «սոցիալիստական» էսեռա-մենշևիկյան կուսակ-

16 «Կավկասյան ռաբոչի», № 220, 14 դեկտեմբերի, 1917:

17 Ս. Ե. Ս. Բ. Ֆ., Նշված ժողովածուն, էջ 95:

18 Նույն տեղում, էջ 94:

ցությունների հետ, համոզված էր, որ հեղափոխության այդ փրփուրը, ամենից բարձր բղավող այդ կերենակներն ու շխեծները, ժողովականներն ու գեղեցկորիները շուտով կլուծեն իրենց հուզող արմատական հարցերը: Բանակը ամբողջությամբ վերցրած դեռևս չէր հասունացել զդալու, որ «սոցիալիզմի» այդ ճարպիկ լարախաղացները վարպետորեն խաղում են իրենց՝ զինվորների հայրենասիրական զգացմունքների հետ, որ նրանք անընդհատ վկայակոչում են մարտիկի ռազմական արժանապատվությունը և շարունակում են հեղափոխական բանակը քարշ տալ իմպերիալիզմին ձեռնառու ուղիներով: Խաղաղության, հացի, հավասարության կարոտ աշխատանքի հասարակ մարդու, տիրապետող դասակարգերի կամքով գորշ շինելի մեջ խցկված դասակարգային ամուր գիտակցությունից զուրկ զինվորի համար հեղափոխական ֆրազն էլ մեծ բան էր թվում: Նա մեծահոգաբար բավարարվում էր խոստումներով, քչով: Ուշագրավ է՝ համագումարի մասնակից Ս. Գալույանի այն վկայությունը, թե «այն ժամանակ տարօրինակ էր տեսնել, որ շարքային զինվորներից շատերը տեղ էին գրավում նախագահությունում, իսկ բարձրաստիճան սպաները՝ դահլիճում, և նրանց կողքին նստած շատ և շատ զինվորներ, որոնք օժտված էին սպաներին հավասար իրավունքներով»¹⁹: Հեղափոխության այդ առաջին պտուղները՝ գայթակղեցնում, մոլորեցնում էին նորմալ, մարդկային կյանքի ծարավի զինվորին, մի բան, որը և նշանակալից բազա էր հանդիսանում նրա «բարեխղճորեն մոլորվածության» համար:

Ապրիլի 25-ին համագումարի բացումից երկու օր հետո, օրակարգի առաջին հարցի «ընթացիկ մոմենտի և տակտիկայի մասին» զեկուցմամբ հանդես եկավ աջ մենշևիկ Դ. Պոպովը, որը բուրժուազիային միանգամայն նպաստավոր դիրքերից մեկնաբանեց ընթացիկ մոմենտի, հեղափոխության շարժիչ ուժերի հարցը: Նա ներքին հարգանքով էր խոսում բուրժուազիայի մասին, որը իբր թե «հին ռեժիմի ժամանակ ճնշված էր», որ այդ բուրժուազիան էլ, նախքան հեղափոխությունը, «նախապատրաստեց բնակչության մտքերը» և իբրև այդ ամենի տրամաբանական արդյունք՝ «երբ բռնկվեց հեղափոխությունը, բուրժուազիան, ի դեմս ժամանակավոր կառավարության, կանգնեց իշխանության գլուխ»²⁰: Փաստորեն ստացվում էր, որ բուրժուազիան ոչ միայն հեղափոխության շարժիչ ուժ էր եղել, այլև գաղափարապես նախապատրաստել էր հեղափոխության մնացած շարժիչ ուժերին՝ բանվորներին, զինվորներին, գյուղացիներին, որոնց նկատմամբ էլ նա ապահովեց իր հեգեմոնիան, հանձին բուրժուականվածատիրական կառավարության: Նրա զեկուցման լեյտմոտիվը «հեղափոխական ուժերի միասնության» հաստատումն էր, միասնություն, որը բուրժուազիայի ու նրա ծառայական գործակալների ամենից ավելի մոդայական լոգունգն էր:

Զարգացնելով աշխատավորների դասակարգային գիտակցությունը բթացնող նման քաղաքականությունը, համաձայնողական կուսակցությունները եռանդուն կերպով պրոպագանդում էին այն տեսակետը, որ ցարիզմի տապալումից հետո ժամանակը չէ մտածելու հեղափոխության հաջորդ՝ սոցիալիստական էտապի մասին: Զայնակցելով մենշևիկ զեկուցողին, կովկասյան էսեռականության աչքի ընկնող դեմքերից մեկը՝ Բերյոզովը իր ելույթում նշում էր. «անհրաժեշտ է իշխել, որ մեր ժամանակը դեռ չի եկել, մեզ դեռ հարկ կլինի հաշտվել հին սոցիալական կարգի հետ: Զի կարելի այժմ ցրել մեր ուժերը: Զի կարելի մեր պահանջները անցկացնել հայտարարման կարգով: Մենք միասին պետք է գնանք սահմանադիր ժողով: Նթե բուրժուազիան միայնակ գնա, նա մեզ չի տա այնպիսի սահմանադիր ժողով, որը մեզ պետք է»²¹: Նույն բլոկից մի այլ պատգամավոր, Գուսեր, համոզված պնդում էր, որ Ռուսաստանում «սոցիալիզմի իրագործման պայմաններ չկան», և նա այդ ասում էր սոսկ այն բանի համար, որպեսզի, առանց քաշվելու իր «սոցիալիստական» կոչումից, հայտարարի, թե «թող այժմ իշխանության ղեկի մոտ կանգնի բուրժուազիան»²²: Բուրժուազիայի «հեղափոխական դերի» վերաբերյալ Պոպովի թեզիսների հիմնավորման ճիգեր էր թափում մի այլ աչքի ընկնող մենշևիկ գործիչ՝ Սմիռնովը՝ Դիմելով պատմական անալոգիայի մեթոդին՝ նա նշում էր, որ «պատմությունը հաճախ կրկնվում է...», որ բուրժուազիան հաճախ հեղափոխական է լինում և այդ իսկ պատճառով նրան հակահեղափոխական անունով կնքելը կլինի շատ սխալ: Նա զարգացնում էր պրոլետարիատի «ինքնասահմանափակման» տեսակետը, սոցիալիստական հեղափոխությունից հրաժարվելու տեսակետը և պահանջում, որպեսզի պրոլետարիատը հրաժարվի իր դասակարգային պահանջներից

¹⁹ «Հին բուլժևիկների հիշողություններ», առաջին գիրք, էջ 249:

²⁰ Ս. Ե. Ս. և Ֆ., նշված ժողովածուն, էջ 100:

²¹ Նույն տեղում, էջ 103:

²² Նույն տեղում, էջ 105:

չխանգարի բուրժուազիային «իրագործելու դեմոկրատական ռեսպուբլիկա»²³։ Բանվորներին ու զինվորներին զգուշացնելով սոցիալիստական հեղափոխության գաղափարով տարվելուց, մանր-բուրժուական սոցիալիստները չէին խորշում բացահայտ սոփեստությունից։ Նրանք աշխատավորների մեջ վախ էին ներշնչում 1871 թ. Փարիզի հերոսական կոմունայի սրինակի կրկնությունից, գովերգում էին ֆրանսիական բուրժուական հեղափոխությունը, այն հակադրելով Կոմունային և ընդհանրապես սոցիալիստական հեղափոխության գաղափարին։ Պատմական դարաշրջանների շփոթման, հասարակական զարգացման մեջ պրոլետարիատի նոր, վստահական դերի անտեսման տեսակետից վերին աստիճանի ուշագրավ էր մենշևիկ Լոմտատիձեի ելույթը։ «Նվաճա,— ասում էր նա,— ես ցանկանում եմ ձեր ուշադրությունը հրավիրել երկու տարեթվերի՝ 89-ի և 71-ի վրա։ Առաջին տարեթիվը մեզ հիշեցնում է հերոսական բուրժուազիայի ոսկե ժամանակների մասին, երբ նա վերցրեց դրոշը և համարձակ ձեռքերով բարձրացրեց Բաստիլի փլատակների վրա... Ի՞նչ կատարվեց 71 թ.։ Այն ժամանակ մտածեցին, որ կարելի է հայտարարել պրոլետարիատի դիկտատուրա, և երկրում հորդեց արյան հեղեղը։ Դա հենց կատարվեց ուժերը հաշվի չառնելուց, և մենք չպետք է կրկնենք սխալները...»²⁴։

Ամեն ինչ ասված է պարզ և որոշակի։

«Պրոգրեսիվ» բուրժուազիայի «հեղափոխական» դերի վերաբերյալ համաձայնողական բլոկի պլատֆորմին վճռականորեն դեմ կանգնեցին բուլճակները, որոնք հաղթանակած հեղափոխության շարժիչ ուժերի վերաբերյալ ունեին միանգամայն այլ տեսակետ։ Բուլճակներ Կորգանովը, Մալիգինը, Քավթառաձեն, Հովսեփյանը, Սովորովը, Կրյուչկովը, Ն. Ցերցվաձեն և ուրիշներ, իրենց ելույթներում, մինչ այդ ծավալված իրադարձությունների տրամաբանությամբ, մերժում էին բուրժուազիայի հեղափոխականության վերաբերյալ մանրբուրժուական մտայնությունը։ Չնայած բուլճակ հոետորների ելույթները համագումարի արձանագրություններում հիշատակված են ժայռ աստիճանի կրճատ, «մսից ու արյունից» գրեթե զրկված վիճակում, սակայն նրանց հիմնական հարցադրումներից, համաձայնողական բլոկի հոետորների առարկություններից և հատկապես «Կավկասյան ռաբոչի»-ում համագումարի վերաբերյալ եղած ինֆորմացիաներից երևում է նրանց հարցադրումների բովանդակությունը, որը բխում էր հասարակական զարգացման օրյակտիվ օրինաչափությունների գիտական հաշվառումից և դասակարգային ուժերի ճիշտ տեղաբաշխումից։ Կովկասյան բուլճակների համար հսկայական նշանակություն ունեւր արեւ փաստը, որ «Կավկասյան ռաբոչի»-ում մինչև համագումարի հրավիրումը և համագումարի առաջին օրերին հրապարակվել էին Վ. Ի. Լենինի այնպիսի նշանավոր հոդվածներ, ինչպիսիք էին «Երկիրաշխարհի մասին» (№ 32, ապրիլի 22-ին), «Պրոլետարիատի խնդիրների մասին տվյալ հեղափոխությունում» («Ապրիլյան թեզիսներ», № 34, ապրիլի 25-ին), «Լուիսթրանովշինա» (№ 38, ապրիլի 29-ին), որոնց մեջ պարզաբանված էին հեղափոխության շարժիչ ուժերի, տվյալ էտապի առանձնահատկությունների և հեղափոխության խաղաղ զարգացման ժամանակաշրջանում բուլճակների կուսակցության տակտիկայի ու ստրատեգիայի հիմնական սկզբունքները։ Այդ ամենին ավելանում էր նաև այն, որ համագումարի հիմնական հարցերի, այդ թվում և պատերազմի հարցի քննարկումից հետո, մայիսի 8-ին, Պետրոգրադից Թիֆլիս վերադարձավ կուսակցության 7-րդ (Ապրիլյան) կոնֆերանսի պատգամավոր Յ. Մախարաձեն, որը Մ. Ցիսկայայի հետ միասին երկրամասի բուլճակներին տեղյակ պահեց կոնֆերանսի աշխատանքներին, նրանում ընդունված լենինյան բանաձևերին։ Հեղափոխության շարժիչ ուժերի հարցը Կովկասի բուլճակները լենինյան դիրքերից էին լուծում նաև Փետրվարյան հեղափոխությունից անմիջապես հետո։ Դեռևս Անդրկովկասի բանվորական պատգամավորների սովետների մարտյան համագումարում վճռականորեն դատապարտելով Ն. Ժորդանիայի վարքագիծը բուրժուազիային հեղափոխության շարժիչ ուժ համարելու վերաբերյալ, Ստ. Շահումյանը հիմնավորում ու պրոպագանդում էր բուլճակյան տեսակետը այդ հարցում։ Մի փոքր ավելի ուշ, ապրիլի 10-ին Շահումյանը ՌՍԴԲԿ Բաքվի կազմակերպության միջոցառման կոնֆերանսում, հակառակ մենշևիկների, «Ընթացիկ մոմենտի մասին» իր առաջարկած բանաձևում գրում էր. «Ռուսական բուրժուազիան, որը մինչև ռևոլյուցիայի պայթյունը բացեիքաց կոնտրոլույցիոն էր, օրյակտիվորեն նույնքան կոնտրոլույցիոն է մնում ներկայումս»²⁵։ Ապրիլի 8-ի համարում «Կավկասյան ռաբոչին» «Կադետները հեղափոխականների դերում» հոդվածում մերկացնում էր լիբերալ բուրժուազիայի «հեղա-

²³ Նույն տեղում, էջ 107։

²⁴ Նույն տեղում, էջ 108։

²⁵ Ստ. Շահումյան, Երկեր, հատ. 2. Երևան, 1957, էջ 413։

փոխական խազերը և բացահայտում նրանց ետևում թաքնված դատակարգային նպատակների բովանդակությունը:

Բուլշևիկ պատգամավորները, հերքելով մինչև Փետրվարյան հեղափոխությունը երկրում ձևավորված բուրժուական, այսպես կոչված «պրոգրեսիվ բլոկի» հեղափոխական գերի վերաբերյալ խոսակցությունները, նշում էին, որ Ռոժյանկո—Դուլկով—Միլյուկով բլոկի երազանքն էր միապետության ռեարենորմումը և ոչ թե նրա տապալումը: Բայց երբ հեղափոխությունը պոռթկաց բուրժուազիային ոչ ցանկալի մասշտաբներով, երբ բանվորներն ու զինվորներն իրենց հզոր շարժմամբ ավելցին-սրբեցին միապետությունը, քրքիջով մերժելով Միխայիլին ցար կարգելու վերաբերյալ բուրժուական զառանցանքը, «պրոգրեսիվ բուրժուազիան», որը կիրթ էր, խորամանկ, փորձված, իսկույն կերպարանափոխվեց, հեղափոխության կարմիր ժապավեններով զարդարվեց, «մոռացավ» աշխատավորներին խեղդելու իր երեկվա վարքագիծը և հեղափոխական մասսաներին զսպելու համար նրանց հրամցրեց մարտյան իր հայտնի «հեղափոխական» ծրագիրը: Բուլշևիկները զինվորներին ասում էին, որ իրենք, անցյալի դառը փորձից են ճանաչում ժամանակավոր կառավարության մեջ խցկված բուրժուա-կալվածատիրական գործիչներին, որ նրանց հավատալ չի կարելի:

Բուլշևիկները համագումարի ձախ ուժերի հետ մեկտեղ վճռական պայքար ծավալեցին Դ. Պուպովի ղեկուցման այն հարցադրման դեմ, որ բանակում կուսակցական կազմակերպությունների ստեղծման անհրաժեշտությունը չկա, որ ռդա մեր ազատության գերեզմանն է²⁶: Բուլշևիկներն ու նրանց հարող ձախ էսեռները, ինչպես նաև մենշևիկ ինտերնացիոնալիստները վճռականորեն առարկում էին բանակում հեղափոխական ագիտացիան արգելելու այդպիսի հարցադրմանը: Կովկասյան բուլշևիկների լենինյան այդպիսի դիրքորոշումը 1917 թ. ապրիլին պաշտպանում էր Ստ. Եսենյանը, որը պրոմ էր. «Մենք պետք է ուժեղ ագիտացիա մղենք բանակում զինվորներին պարզաբանելու սոցիալիստական այն մեծ խնդիրները, որ ծառացած են բանվոր դասակարգի առջև Ռուսաստանում, և հնարավորություն չտալ բուրժուազիային բանակը դարձնելու բուրժուական կոնտրոլյուցիայի գործիք»²⁷: «Կավկասկի ռաբոչի»-ն արտացոլելով համագումարում ծավալված պայքարը այդ հարցում և քննադատելով համաձայնողական բլոկի տեսակետը գրում էր, որ բանակում կուսակցական կազմակերպությունները արգելել, «նշանակում է թուլացնել հեղափոխության ուժերը և ավելացնել կոնտրոլյուցիայի ուժերը»²⁸: Համագումարում ուշագրավ էր ձախ էսեռ Տրոխինի ելույթը: Նշելով, որ բանակը պետք է դառնա սոցիալիստական բանակ, նա վկայակոչում էր այն կարևոր փաստը, որ «Կովկասյան բանակի աջ թևում (նկատի ունի էրզերում-Տրապիզոնի շրջանը—Հ. Մ.) ստեղծվել են երկու կազմակերպություն՝ ս.-դ. և ս.-ռ., և զարգացնում էր այն ճիշտ տեսակետը, որ «եթե հեղափոխական պրոպագանդան հնարավոր է գործարաններում, ապա ինչու՞ աչն չի կարելի մղել և բանակում»: Նու պահանջում էր բանակը չկտրել իրեն ծնած հեղափոխական ժողովրդից, ռազմաճակատը չկտրել թիկունքից»²⁹:

Համագումարում պաշտպանելով ճիշտ տեսակետ, Կովկասյան բուլշևիկները նրանից հետո, անհասկանալի է թե ինչու, ամբողջ թափով ձեռնամուխ չեղան բանակում բուլշևիկյան կուսակցական կազմակերպությունների ստեղծմանը: Թերևս կարգերի պակասի հետ մեկտեղ դրան լրջորեն խանգարեց մենշևիկների հետ մինչև հուլիս ամիսը մեկ միասնական կազմակերպությունում նրանց ձևականորեն գտնվելը, այն, որ նրանք աշխատեցին հավատարիմ մնալ կուսակցական կարգապահությանը, կամ պուցն այն վախը, որ կուսակցական կազմակերպությունների ազատությունից կօգտվեն բուրժուա-նացիոնալիստական ուժերը և բանակում կստեղծվեն նացիոնալիստական կազմակերպություններ: Ի դեպ, այդպիսի կազմակերպություններ արգեն ստեղծվում էին, առանց հաշվի առնելու բանակային համագումարի կարծիքը: Ինչևիցե, թե՛ մեկը և թե՛ մյուսը չէին արգարանում: Այդ հարցում բուլշևիկների պակաս վճռականությունը հետհամագումարյան շրջանում, անկասկած, մեծ վնաս հասցրեց Կովկասյան բանակում բուլշևիկյան աշխատանքների ցանկալի դորեղացմանը:

Ընթացիկ մոմենտի և հեղափոխության շարժիչ ուժերի հարցի հետ սերտորեն առնչվում էր բանակային համագումարի մյուս՝ ժամանակավոր կառավարության նկատմամբ ունեցալի վերաբերմունքի հարցը:

26 Ս. Ե. Ս. Ե. Ֆ., նշված ժողովածուն, էջ 101:

27 Ստ. Եսենյան, Երկեր, հատ. 2, էջ 414:

28 «Կավկասկի ռաբոչի», № 37, 28 մայիսի, 1917:

29 Տե՛ս Ս. Ե. Ս. Ե. Ֆ., նշված ժողովածուն, էջ 104—105:

Մերժելով հեղափոխության մեջ բուրժուազիայի շարժիչ ուժ լինելու վերաբերյալ էսեռա-մենշեիկյան դրույթը, բոլշևիկները ըստ էության մերժում էին նաև ժամանակավոր կառավարու-թյանը ընդհանրապես աջակցելու նրանց տեսակետը: Ինչպես ճիշտ նկատել էր Վերեշնակը, այդ հարցը իրոք դարձավ համագումարի աշխատանքների անկյունաքարը: Համաձայնողական բլոկը և մասնավորապես այդ հարցի մասին ղեկուցող մենշեիկ էմմաուտիձեն փարիսեյիորեն փորձում էին համագումարի պատգամավորների վրին փաթաթել այն տեսակետը, որ իբր թե հեղա-փոխական գեմոկրատիայի և ժամանակավոր կառավարության միջև հնարավոր կոնֆլիկտի հիմք չկա, որ իբր թե «գեմոկրատիայի ճնշմամբ» իմպերիալիստական բուրժուա-կալվածատի-րական այդ կառավարությունը կյանքի կկոչի հեղափոխության առաջադրած խնդիրները: Բուր-ժուազիային վստահելու և աջակցելու այդպիսի վարքագծի դեմ հիշյալ հարցի քննարկման ժա-մանակ առաջինը հանգես եկավ Ի. Վ. Մալիգինը, որը մերժելով բուրժուազիայի ու նրա կառա-վարության հեղափոխականության վերաբերյալ մանրբուրժուական մտայնությունը, համագու-մարին կոչ արեց ստեղծելու այնպիսի իշխանություն, որը հեղափոխության իսկական շարժիչ ուժերի՝ «պրոլետարիատի և գյուղացիության կողմից է առաջադրված»³⁰, այլ կերպ ասած՝ Մա-լիգինը գնում էր իշխանությունը անբաժան կերպով էսեռա-մենշեիկյան սովետներին հանձնելու պահանջը, մի բան, որը համընկնում էր լենինյան դիրքորոշմանը: Համագումարում փայլուն կերպով պաշտպանելով բոլշևիզմն ու նրա առաջնորդ Լենինին, Մալիգինը պարզում էր բուր-ժուազիայի, նրա գործիչների ու բոլշևիզմի ողջ դասակարգային հակամարտությունը: «Բուրժուա-զիան սարսափում է,—ասում էր նա,—երբ մեն միայնակ դուրս է գալիս Լենինն ու ասում իր խիզախ, վճռական խոսքը»³¹: Պաշտպանելով հեղափոխության զարգացման, իշխանությունը պրոլետարիատի կողմից վերցնելու լենինյան տակտիկական դրույթները, Մալիգինը հայտարա-րում էր, որ «մենք այժմ չենք գրավի իշխանությունը, մենք կաղմակերպվում ենք, բայց կգա մո-մենտը, երբ հեղափոխությունը ամբողջ սրությամբ կդնի իշխանության հարցը»³²: Դա միաժա-մանակ և պատասխան էր բոլշևիկյան կուսակցությունում եղած այն փոքրաթիվ «ձախ» տար-րերին, որոնք դնում էին ժամանակից շուտ իշխանությունը գրավելու, ղինված ապստամբու-թյամբ ժամանակավոր կառավարությունը տապալելու, պրոլետարիատի դիկտատուրա ստեղ-ծելու պահանջը:

Ժամանակավոր կառավարությանը չաջակցելու և իշխանությունը սովետներին հանձնելու լենինյան պահանջը իր ելույթում դնում էր նաև Խ. Ն. Կոբզանովը: Նա նշում էր, որ բուրժուա-զիան հեղափոխական բանվորներից ու ղինվորներից ունեցած վախից է, որ դեռ շարունակում է ամբոխավարություն անել, դեմ գնալ իր իսկական էությանը: Կառավարությունը չի հենվում հեղափոխական ժողովրդի վրա: Նրա դասակարգային շահերը չեն կարող թույլ տալ, որպեսզի նա խոստումներից բացի որևէ ունալ բան տա ժողովրդին: Բոլշևիկ հոկտոբրը նշում էր, որ բուր-ժուազիան «գիտի, որ ղինվորական և բանվորական պատգամավորների սովետները դա այն իշ-խանությունն է, որը ընտրել է ժողովուրդը, և որը շուտով ամբողջ իշխանությունը կվերցնի իր ձեռքը... Իշխանության գլուխ կարող են լինել միայն պրոլետարիատը և հեղափոխական գյու-ղացիությունը»³³: Կոբզանովը դիմում էր համագումարի պատգամավորներին և հանձին նրանց ողջ Կովկասյան բանակին, անհապաղ դնելու իշխանությունը սովետներին անցնելու պահանջը: Դրանով փաստորեն պահանջվում էր նաև ճնշում գործադրել էսեռա-մենշեիկյան կուսակցու-թյունների վրա, որոնք չէին համարձակվում իշխանությունը վերցնել սովետների ձեռքը, վճռա-կանորեն խզել կապերը ժամանակավոր կառավարությունից:

Հաջորդ բոլշևիկ հոկտոբրը Ս. Ի. Քավրառաձեն Լ. Բ. «Կավկասի ռաբոչի»-ի խմբագիրը, որը քննադատելով բուրժուազիային ու նրա հետ համաձայնություն կնքած էսեռա-մենշեիկյան բլոկի հոկտոբրներին, վճռականորեն պաշտպանում էր հեղափոխության սոցիալիստական զար-գացման լենինյան վարքագիծը: «Դեմոկրատիան,—նշում էր նա,—պետք է պայքարի ելնի ընդ-դեմ բուրժուազիայի»³⁴:

Փետրվարյան հեղափոխությունից հետո երկրում ստեղծված չափազանց բարդ քաղաքական իրադրության մեջ արագ կողմնորոշվելը այնքան էլ հեշտ չէր: Դրանով էլ հենց պետք է բա-ցատրել այն, որ Կովկասյան, այդ թվում և բանակային բոլշևիկների շրջանում ևս մի շարք

30 Ս. Ի. Ս. Լ. Ֆ., նշված ժողովածուն, էջ 102:

31 Վրացական ՍՍՌ-ի ԼՊԿՊԱ, ֆ. 2, գ. 3, թ. 40:

32 Նույն տեղում, թ. 43:

33 Վրացական ՍՍՌ-ի ԼՊԿՊԱ, ֆ. 1, գ. 25, թ. 73—74:

34 Վրացական ՍՍՌ-ի ԼՊԿՊԱ, ֆ. 2, գ. 3, թ. 47:

հարցերում ի հայտ էին գալիս տակտիկական տարբեր երանգներ, տարբեր մոտեցումներ: Այսպես, օրինակ, համագումարում բուլշևիկ Կոլչուկովը պահանջում էր «զգոն վերահսկողություն բուրժուազիայի դրածո ժամանակավոր կառավարության նկատմամբ»³⁵, որը շնայած բուրժուազիայի նկատմամբ քննադատական սուր մոտեցմանը, չէր համընկնում լենինյան Ապրիլյան թեզիսներին:

Համագումարում բուրժուազիայի ու նրա կառավարության նկատմամբ կրքոտ և պարզորոշ հարցադրումները իզուր չանցան: Այդպիսի մոտեցումը տարերայնորեն, իրենց հոգու խորքում փայփայում էին «բարեխղճորեն մոլորված» շարքային բազմաթիվ, ոչ բուլշևիկ պատգամավորներ: Այն ցայտուն կերպով արտացոլված է Կովկասյան բանակի զինվորների նամակներում, ուր դասակարգայնորեն դեռևս ոչ լիովին կոփված զինվորը այնպես անողորմաբար մերկացնում էր «հաստափոր բուրժուազիային»:

Համագումարում ստեղծված մթնոլորտում համաձայնողական բլոկի համար հեշտ չէր անցկացնել այլ ուժերին ցանկալի բանաձև ընթացիկ մոմենտի և տակտիկայի վերաբերյալ: Ընդունված բանաձևը շնայած ուներ հեղափոխության տվյալ էտապին բնորոշ բովանդակություն, սակայն այն, ինչ որ չափով արտացոլում էր նաև բանակի ընդհանուր անվստահությունը բուրժուազիայի նկատմամբ:

Համագումարում ժամանակավոր կառավարության նկատմամբ բուլշևիկյան անվստահության փայլուն դրսևորումը հանդիսացավ բուրժուազիայի առաջադրած և էսեռա-մենշևիկյան կուսակցությունների կողմից եռանդուն պաշտպանություն գտած «1917 թ. ազատության փոխառության» նկատմամբ բուլշևիկ պատգամավորների վարձագիծը... Անողորմաբար դատապարտելով այն, բուլշևիկները դեմ քվեարկեցին ժողովրդի կենսական քաղաքական-տնտեսական շահերին դեմ գնացող այդ «ավազակային» փոխառությանը, որի նպատակն էր շարունակել իմպերիալիստական պատերազմը մինչև «հաղթական վախճան»: Համագումարի պատգամավոր բուլշևիկ Մ. Ս. Կեդրովը հետագայում գրում էր. «Շերիֆիսսների մեր շրջանը ներկայացված էր (համագումարում—Հ. Մ.) ընդամենը 3 պատգամավորով (Կեդրով, Տարասով, Տետերնիկով), որոնք հիմնական հարցերում («ազատության փոխառություն», ժամանակավոր կառավարության նկատմամբ վստահություն և այլն) դեմ քվեարկեցին»³⁶:

Համագումարում հետաքրքիր և սուր դիսկուսիայի առիթ հանդիսացավ ժամանակի այնպիսի կարևորագույն հարցերի քննարկումը, ինչպիսիք էին պատերազմի ու խաղաղության, ագրարային, ազգային, բանվորական, բանակի նյութական-սանիտարական դրության և այլ հարցերը³⁷:

Համագումարի նախավերջին նիստում, մայիսի 23-ին, լսվեց Ե. Կորզանովի «Բանակային պրոֆեսիոնալ կազմակերպությունների մասին» զեկուցումը: «Երկու ժամ» տևած այդ զեկուցումից պահանջվել է կցկտուր մի ինֆորմացիա, որից նույնպես երևում է, որ Կորզանովը սուր քննադատության է ենթարկում ռազմական մինիստրների Գուչկովի և ապա Կերենսկու ապրիլ-մայիսյան հրամանները³⁸, հեղափոխությունից ծնված սովետների և բանակային կոմիտեների գործունեությունը կծկելու, զինվորական մասսաների հեղափոխական ստեղծագործությունը մեղցնելու, վերջին հաշվով հեղափոխական բանակի այդ օրգանները իմպերիալիստական բուրժուազիայի շահերին ծառայեցնելու հարցերում: Արտահայտելով համագումարի մեծամասնության շրամադրությունները, Կորզանովը անողորմ քննադատության էր ենթարկում Գուչկով-Կերենսկու հրամանները դիսցիպլինար դատաբանների ստեղծման հարցում, այն որակում էր իբրև «խղճուկ խառնածին» միջոցառում, որը գործի հակահեղափոխական էությունը սքողում էր այդ դատարանները «հեղափոխության ամրապնդմանը» ծառայեցնելու կեղծիքի, ահավոր խաբեության հետ: Ժամանակավոր կառավարությունը ցանկանում էր «դիսցիպլինար» այդ օրգանների միջոցով զսպել քայքայվող բանակի հեղափոխական ոգին, կանխել մասսայական դասալքումը, բանակը նախապատրաստել նոր հարձակման համար: Կորզանովը քննադատում էր այդ օրգաններում ընտրությունների ոչ ղեմավարտիկ, կուրիալ սկզբունքը, ըստ որի սպաներին պետք է ընտրեին ոչ թե նաև զինվորները, այլ միայն իրենք՝ սպաները: Այդ հանգամանքը դիսցիպլինար

35 Ս. Կ. Ս. Մ. Ֆ., նշված ժողովածուն, էջ 102:

36 «От Февраля к Октябрю», 1957, Մոսկվա, էջ 171:

37 Այդ հարցերի քննարկմանը մենք կանդրադառնանք մի այլ հոդվածում:

38 Տե՛ս «Революционное движение в России в апреле 1917 г. Апрельский кризис», Մոսկվա, 1958, փաստաթուղթ № 258, ինչպես նաև «Революционное движение в России в мае—июне 1917 г., Июньская демонстрация», Մոսկվա, 1959, փաստաթուղթ № 188:

դատարանները կզարձնեն զինվորական հեղափոխական մասսաների վերահսկողությունից դուրս կանգնած ռեակցիոն օրգաններ, մի բան, որը և ցանկանում էր ժամանակավոր կառավարությունը: Կորգանովը «անհրաժեշտ է գտնում, որպեսզի զինվորական, բանվորական և գյուղացիական Սովետների Համառուսաստանյան համագումարի (ներառախառնները պետք է ակավեն Պետրոգրադում, հունիսի 1-ին—2. Մ.) պատգամավորները պաշտպանեն այն սկզբունքները, որոնք իրենցից ներկայացնում են ղինվորների և սպանների կուլեկտիվ ստեղծագործության արդյունք, և որոնք արտահայտություն են գտել սեկցիայի զեկուցման մեջ»³⁹, Ուշագրավ է, որ վախենալով իրենց հեղինակության կորստից, համագումարի աջ գործիչները շեն համարձակում առարկել Կորգանովի զեկուցման հիմնական դրույթներին և արդյունքը ստացվում է փայլում: Սեկցիայի մշակած կանոնադրության 35-րդ կետը ազդարարում էր, որ «վաշտերի և այլ կոմիտեների որոշումները պետերի սանկցիայի կարիքը չունեն»⁴⁰, Դրանով բացահայտորեն մերժվում էր Կերենսկու հրամանի 18-րդ, ամենառեակցիոն կետը: Արձանագրություններում նշվում էր, որ «քուրը վիճելի կետերը ընդունվեցին զեկուցման ոգով և մի շարք բաժիններում շեն համընկնում Գուչկովի և Կերենսկու հրամանների հետ»⁴¹:

Իրադարձությունների զարգացմամբ և բուլղերիկյան ագիտացիայի նկատելի ազդեցությամբ ղեպի ձախ թեքված համագումարը մերժում էր ոչ միայն օկոյարրիստ Գուչկովին, այլ նաև նոր միայն ռազմական միևիստր հռչակված «սոցիալիստ» Կերենսկուն, շնայած վերջինիս սին հեղինակությանը զինվորական լայն շրջաններում: Այդ նշանակում էր, որ հեղափոխության բախտով իսկապես մտահոգված ուժերի համար արդեն կարևոր էին դառնում ոչ թե կուռքերը, այլ գործը:

Համագումարում առավել սուր տարաձայնությունների տեղիք տվեցին Կովկասյան բանակի երկրային սովետի կազմի ընտրությունները, որին նվիրված էր համագումարի վերջին, մայիսի 24-ի նիստը:

Հակասությունները ընթանում էին մի կողմից բուլղերիկների և ողջ համաձայնողական բլոկի միջև, և մյուս կողմից՝ էսեռների ու մենշեկների միջև: Ելնելով այն փաստից, որ բուլղերիկների ու մենշեկների միջև «գոյություն ունեն լուրջ տարաձայնություններ հիմնական տակտիկայի հարցի շուրջը»⁴², բուլղերիկները պահանջում էին ս.-դ. ֆրակցիայի երկու տեղերը հատկացնել բուլղերիկներին: Նրանք հույս ունեին, որ սովետի կազմում կընտրվեն նաև զորամասերի ներկայացուցիչները: Մենշեկները և աջ բլոկը մերժեցին բուլղերիկների այդ պահանջը: Բլոկի անունից բուլղերիկների դեմ հանդես եկած մի պատգամավոր՝ մենշեկ Լեվերտովը ուղղակի հայտարարեց. «Նս հենց ցանկանում եմ ասել, որ մարդիկ, ովքեր հետապնդում են մեր տակտիկան, տեղ չունեն մեր Երկրային կենտրոնում»⁴³: Չնայած բուլղերիկների առաջարկը մերժվում է, սակայն պայքարի պրոցեսում նրանք ձեռք են բերում ավելի ու ավելի շատ կողմնակիցներ և առայժմ դեռ պատիվ համակրողներ: Պատգամավորներից 20 հոգի, հավանաբար բլոկին էլ բուլղերիկներ, դեմ են քվեարկում բլոկի առաջարկած ցուցակին, իսկ 147-ը ձեռնպահ են մնում⁴⁴: Այս նշանակում էր, որ համագումարում ծավալված պայքարը բուլղերիկների համար իզուր չէր անցել:

Բուլղերիկներին ղրկելով ֆրակցիոն տեղերից, համաձայնողական բլոկին չհաջողվեց նրանց ընդհանրապես ղրկել Երկրային սովետում տեղ ունենալուց: Զորամասերից սովետի կազմում ընտրված բուլղերիկների թվում էին Թիֆլիսի կայազորից Վ. Պ. Մուշեկովը և Ա. Գ. Կայդալովը⁴⁵:

էսեռների և մենշեկների միջև պայքարը սրվեց Երկրային սովետի նախագահության ընտրությունների ժամանակ, մասնավորապես նախագահի ընտրության հարցում: Մենշեկները հավակնություն ունեին այդ պոստում կարգել Ծ. Գեգեչկորուն: Սակայն այդ բանը նրանց չհաջողվեց: էսեռների ներկայացուցիչ Դոնսկոյը ավելի շատ ձայներ ստացավ և դարձավ Կովկասյան բանակի Երկրային սովետի նախագահ: Դասակարգային բովանդակության տեսակետից այդ երկու գործիչների միջև ոչ մի էական տարբերություն չկար: Երկուսն էլ լինելու էին բուրժուական ժամանակավոր կառավարության «սոցիալիստ» գործակալները Կովկասյան բանակում: Հարցը վերաբերում էր միայն հեգեմոնիային, իրենց հետագա նպատակների իրագործման հա-

39 Վրացական ՍՍԽ ԿՊՊԱ, ֆ. 21, ց. 2, գ. 10, թ. 93:

40 Նույն տեղում:

41 Նույն տեղում:

42 Ս. Կ. Ս. և ֆ., նշված ժողովածուն, էջ 115:

43 Նույն տեղում, էջ 116:

44 Նույն տեղում, էջ 117:

45 «Կովկասյան ռաբոչի», № 104, 20 հուլիսի 1917 թ.:

մար բանակում ազդեցություն ունենալուն: Հսեռները մեծամասնություն են ստանում ընդհանրապես սովետի «կռալիցիոն նախագահությունում» և տեական ժամանակով ապահովում են իրենց ղեկավար դերը բանակում, մինչև որ հեղափոխության առաջընթացը կհեղինակագրվե՞ր հակահեղափոխության հետ գրկախառնված համաձայնողական կուսակցություններին: Այդ մթնոլորտում էլ հասունացավ Կովկասյան բանակի երկրորդ համագումարի հրավիրման հարցը: Նրանում, 1917 թ. դեկտեմբերին, բոլշևիկները մեծամասնություն նվաճեցին:

Այսպիսով, շնայած բանակային առաջին համագումարում համաձայնողական բլոկի ռենցած բացահայտ գերակշռությանը, մի բան, որը արտացոլում էր հեղափոխության զարգացման տվյալ էտապում զինվորական մասսաների «բարեխղճորեն մոլորվածությունը», նրանց «հեղափոխական պաշտպանողականությունը», բոլշևիկները իրենց «խիզախ», «հանդուգն» պայքարով պարզեցին զիտական, պրոլետարական սոցիալիզմի արմատական տարբերությունները կեղծ, մանրրորժուական սոցիալիզմից: Պրոպագանդիով բոլշևիզմը, նրանք նպաստեցին հեղափոխական դեմոկրատիայի ներսում դասակարգային հարաբերությունների բյուրեղացմանը, գրեթե նով իսկ նպաստելով Կովկասյան բանակի աստիճանական բոլշևիկացման պրոցեսին: Դրանում էլ պետք է տեսնել երկրամասի կյանքում բանակային առաջին համագումարի և նրանում բոլշևիկյան ֆրակցիայի գործունեության նշանակությունը:

Г. С. МЕЛИКЯН

ДЕЯТЕЛЬНОСТЬ БОЛЬШЕВИКОВ НА ПЕРВОМ СЪЕЗДЕ КАВКАЗСКОЙ АРМИИ

Р е з ю м е

Первый съезд Кавказской армии явился одним из важных событий в Закавказье в период подготовки Октябрьской Социалистической революции. До последнего времени этот съезд и, в частности, деятельность большевиков на съезде, не являлся предметом научного исследования.

На съезде был рассмотрен ряд важных вопросов, касающихся, в частности, соотношений различных партий, их программ и тактики, после свержения самодержавия.

Маленькая, но боевая группа армейских большевиков (Г. Н. Корганов, И. В. Малыгин, С. И. Кавтарадзе, М. С. Кедров, Н. М. Кузнецов, Г. Осепян, С. А. Богданов и др., более 20 делегатов) вела борьбу против соглашательского блока эсеров, меньшевиков, буржуазных националистов, разоблачала позицию этого блока, противопоставляя ему революционную программу и тактику большевистской партии по всем коренным вопросам современности.

Надо отметить, что в деятельности большевиков проявлялись отдельные недостатки, которые можно объяснить их все еще недостаточной теоретической и практической закалкой, а также особенностями борьбы в Закавказье.

Автор обсуждает следующие вопросы, связанные с работой съезда: подготовка и созыв съезда, текущий момент, отношение к буржуазному Временному правительству, к «займу свободы 1917 года», о профессиональных организациях армии, о выборах в Краевой Совет Кавказской армии, о месте и значении съезда в революционно-демократическом движении на Кавказе и т. д.